

SCRIPT OF EVENING GOJRI NEWS BULLETIN 7JULY 1700 HRS

ایویننگ گو جری نیوز بلیٹن مو رخہ 7 جولائی 2025

یوہ آکا شوانی جموں ہے محمد اشفاق تے نصرت تیں خبر سُنو۔

HEADLINES

- ۱۔ برکس گا اجلاس سنگ خطاب کرتا واں وزیر اعظم نریندر مودی نے کہیو جے کسے وی ملک نانہہ اپنا ذاتی مفاد خاطر معدیاتی ہتھیار تے تکنیک نانہہ نہیں بنانو چاہیے۔
- ۲۔ لیفٹیننٹ گورنر منوج سنہا نے کہیو جے پاکستان جموں کشمیر کی ترقی مانہہ رُکاوٹ پیدا کر رہیو ہے۔
- ۳۔ مرکزی وزیر سیاحت گجیندر سنگھ سکاوٹ نے کہیو جے پہلگام دہشتگردانہ حملہ توں بعد وادی کشمیر مانہہ سیلانیاں گی آمدرفت بحال ہو رہی ہے۔
- ۴۔ شری امرناتھ جی یاترا گے پیش نظر جاتی شام توڑی قریب 70 ہزار یاتریاں نے گفا گو دورو کیو ہے۔
- ۵۔ قومی شاہراہ ور ڈلواس گا مقام ور فلائی اور مہاڈ گا مقام ور کینوپی ٹنل نانہہ کھولن نال شاہراہ ور گڈیاں گی آجانی مانہہ آسانی ہو گئی ہے۔

PM OUTREACH

وزیر اعظم نریندر مودی نے کہیو جے کسے وی ملک نانہہ اپنا ذاتی مفاد خاطر کونے وی معدنیاتی ہتھیار تے تکنیک نانہہ نیں بنانوں چاہیے اُنہاں نے کہیو جیہام معدنیات تے تکنیک مانہہ زیادہ تعاون توں علاوہ اس گا پھیلاؤ ور توجی دین گی لوڑ ہے وے اج رابو ڈی جینرو مانہہ اکثر جہتی اقتصادی مالی امور تے مصنوعی زبان ت بارے منعقد ایک اجلاس سنگ خطاب کرتا واں بول رہیا تھا اُنہاں نے مزید کہیو جے مطالبہ ور مبنی فیصلہ سازی طویل مدتی مالی معاملات تے برکس نیو ڈیو لیمنٹ بینک گا پروجیکٹاں مانہہ متا ساری قرضہ فراہمی ور توجو دین گی لوڑ ہے۔

LG SIDH LAKSHMI

لیفٹیننٹ گورنر منوج سنہا نے اج کہیو ہے جے پاکستان خطہ غی ترقی مانہہ رُکاوٹ پیدا کرے عالمی برادریاں بشکار تفریقہ بازی پھلا رہیو ہے وے اج لڑکی پورہ مانہہ تیز راج سدھ لکشمی پیٹھ ٹرسٹ ور اک مزہبی تقریب سنگ خطاب کرتا واں بول رہی اتھا اُنہاں نے کہیو جے پاکستان ایک دہشت گرد ملک ہے تے اپن خطاب مانہہ ایل جی موصوف نے کہیو ہے جے گزریا 5 براں مانہہ جموں کشمیر مانہہ کنیں اہم پیش رفت نانہہ پایا تکمیل توڑک پُجان مانہہ ہم پُر عزم ہاں اس سلسلہ مانہہ بولتا واں ای جی موصوف نے اس طرح کہیو۔ اُنہاں نے کہیو جے دشمن نانہہ بران تیروکن خاطر ہمارل غے چلنوں وے گو۔ اُنہاں نے مزید کہیو جے انتظامیہ حالیہ خطہ مانہہ امن قائم کرن خاطر پُر عزم ہے تے یوہ تد ہی ممکن ہو سکے گو جد عوام دہشت گردی غے خلاف مہاری مدد کرے گی۔

TOURISM MEET

سیاحت بارے مرکزی وزیر گجیندر سنگھ سکاوٹ نیے کہیو ہے جے پہلگام دہشتگردانہ حملہ توں وادی کشمیر مانہہ دوبارہ سیلانی گی آمدرفت بہال ہو رہی ہے وے اج سرینگر مانہہ

سیاحت بارے مرکزی زیر انتظام علاقوں سے بکھ بکھ ریاستاں گا سیکرٹریاں سنگ ایک اجلاس غے دوران خطاب کرتا واں بول رہیا تھا اُن نے کہیو جے سیاحت آتم نریر بھارت گو سنگ بنیاد ہے اس بارے گل کرتا واں وزیر موصوف نے اس طرح کہیو۔

NASHA MUKT POONCH

منشیات غے خلاف جنگ مانہہ ایکہم کوشش غا طور ور ضلع انتظامیہ پونچھ نے بلدیاتی کونسل پونچھ غا اشتراک تیں اج ٹاوں ہال پونچھ مانہہ نشہ مُکت بھارت ابھیان غے تحت ایک چوپال غو انعقاد کیو اس پروگرام غو مقصد عوام نانہہ منشیات غا نقصانات تیں آگاہ کرنو نشہ چھڑان غا مراکز غی سہولت تے اُنغی کارکردگی بارے معلومات فراہم کرنو تانجے نشہ غے خلاف جدوجہد نانہہ مزید مضبوط بنایو جاسکے۔ ڈپٹی کمشنر پونچھ وکاس گُنڈل اس موقع ور مہمان خصوصی تھا تے بار ایسوسی ایشن پونچھ غا صدر ایڈووکیٹ سنیل شرما نے پروگرام غی صدارت کی اس موقع ور گل کرتا واں ڈی سی پونچھ نے اس طرح کہیو۔

BAL PURUSKAR

بھارتی حکومت نے پردھان منتری راشٹریہ بال پورسکار 2025 واسطے نامزدگی غی دعوت دتی ہے یوہ اعزاز 5 تیں 18 سال غا بچاں نانہہ بہادری سماجی خدمت ماحولیات کھیل فن او ثقافت یا سائنس او ٹیکنالوجی گا شعوباں مانہہ نمایا کارکردگی ور دتو جے۔ اگر تم کسی وی ایس اچہ نانہہ جانیں تے فوراً اُس گو نامزد کریں اندراج واسطے ور جیں تے داخلو 31 جولائی 2025 تیں پہلاں جمع کرائیں تے <http://awards.gov.in> ملک غا ہونہار بچاں نانہہ اُن غی قابلیت غو صیح مقام دوان مانہہ مارو ساتھ دیں۔

AMARNATH YATRA

شری امرناتھ جی یاترا ج جہڑی اس مہینہ غی 3 تاریخ نال شروع ہوئی تھی تے بغیر کسی رُکاوٹ غے نن واں پہلگام تے بالتال بنیادی کیمپ توں بوغے گزر رہی ہے تے اس سلسلہ مانہہ جموں کشمیر مانہہ ایک بڑو جوش خروش گو ماحول دیکھیو جارہیو ہے واضع رہ جے جانی شام توڑی قریب 70 ہزار یاتریاں نے مقدس گفا گا درشن کیا ہیں دواں رستاں ور انتظامیہ کی طرفوں کیا گیا بہترین انتظام نانہہ دیکھ گے یاتری کافی مطمئن نظر آ رہیا ہیں اس سلسلہ مانہہ گل کرتا واں یاتریاں نے اس طرح کہیوتے اج دوپیر توڑی قریب 13300 یاتری نے مقدس گفا مانہہ حاضری پیش کی تے اس تیں علاوہ اج سویر قریب 6 جٹھاں ور مشتمل 8 ہزار 6 سو یاتریاں نے جموں گا بھگوتی نگر بنیادی کیمپ توں 373 گڈیاں گے ذریعے اپنا سفر غو آغاز کیو ہے جن مانہہ مرد کالسری بچہ سادھو وغیرہ شامل ہیں۔

VIADUCT STARTED

ضلع رمبن مانہہ قومی شاہراہ ور گڈیاں کی آؤ جانی نانہہ مد نظر رکھتا واں دسیو جارہیو ہے جے گڈیاں لاریاں کی آؤ جانی نانہہ دو طرفہ کھولیو گیو ہے جس مانہہ ایک پاسے کی گڈی ڈلواس گا مقام ور نواں تعمیر شدہ فلائی اور ورں گزریں گی جس کی لمائی 5 سو میٹر ہے تے دو جے پاسے کی گڈی 700 میٹر در مشتمل کانوی ٹنل بچوں گزریں گی جہڑو کہ کیفٹریا موڈ مہاڈ گا مقام ور واقع ہے تے اس سلسلہ مانہہ دسیو جارہیو ہے جے قومی شاہراہ ور گڈیاں کی آؤ جانی بہتر طریقہ کارسنگ چل رہی ہے۔ اس موقعور بھارتی قومی شاہراہ اتھارٹی گا

پروجیکٹ دائریکٹر شوبھم یادو نے دسیو جے ان دو مقامات ور گڈیاں لاریاں گی آمدرفت نانہہ بہتر طریقہ سنگ چلائوں ایک بڑی کامیابی ہے اس موقع ور بولتا واں اُنہاں نے اس طر کہیو۔

BLO TRAINING

جموں کشمیر کیرلہ تامل ناڈو تے مغربی بنگال تیں تعلق رکھن آلا بوتھ لیول افسراں تے اُن غا سُروائزر واسطے 2 روزی تربیتی پروگرام اج بھارت غا بین الاقوامی ادارہ برائے جمہوریت تے انتخابی نظم و نسق مانہہ شروع ہوو چناؤ کمیشن غا سربراہ شری گیانش کمار نے 427 میدان مانہہ کم کرن آلا عملہ تیں خطاب کرتا واں کہیو کہ بی ایل او ز انتخابی عمل نانہہ مضبوط بنان مانہہ اہم کردار ادا کریں اس تربیت غو مقصد ووٹر خدمات تے ووٹر لسٹ غا انتظام مانہہ شفافیت درستگی تے کارکردگی نانہہ بہتر بنانو ہے تانجے جمہوری عمل مانہہ عوام غو اعتماد تے شرکت بدھ سکے۔

CURD UNIT RAMBAN

دیہی روزگار نانہہ فروغ دین واسطے ضلع بابمی تعاون غا محکمہ رامبن نے چندرکوٹ مانہہ خوارک تیار کرن غی سکیم غے تحت ایک دیہی بنان آلی یونٹ قائم کی ہے یوہ قدم مقامی سطح ور دودھ کٹن آلا کساناں نانہہ اپنی مصنوعات تیار کرن تے فروخت کرن غو موقع فراہم کرے جس تیں اُن غی آمدنی مانہہ اضافو وے غو اس سکیم غے تحت کاپریٹیو سوسائٹی نانہہ کھان غی اشیاء تیار کرن غا یونٹ قائم کرن واسطے قرض ور 50 فی صد حکومتی مالی مدد فراہم کی ہے۔

GOLD MEDALISTS WELCOME

امریکہ مانہہ ہوا ولڈ پولیس میٹ مانہہ شاندار کامیابی حاصل کرن ور کانسٹیبل بنیا امین تے کانسٹیبل اشاق احمد نانہہ جموں مانہہ پرتپاک استقبال دتو گیو ان دواں نے سونا غا تمغہ جیت غے ملک غو ناں روشن کیو ہے عوام تے حکام نے ان غی کامیابی نانہہ سہرايو جہیڑو دنیا بھر مانہہ بھارتی پولیس غی صلاحیت تے محنت غوثبوت ہے۔
